



ALIC

“Europako Justizia Auzitegiak Mendebaldeko Saharari buruz emandako epaia betetzearen gaineko mozioa. 2017ko Azaroaren 29 rako Oiarzungo Udalbiltzarraren osoko bilkuran onespenerako aurkeztua”.

2016ko abenduaren 21ean, Europako Justizia Auzitegiak erabaki zuen Mendebaldeko Sahara ez dela Marokoko Erresumako zati, eta horrek esan nahi du Europar Batasunaren eta Marokoren arteko ezin merkataritza-akordio ezin dela aplikatu Mendebaldeko Saharan, eta ezin dela merkataritza jarduerarik ezarri, ezta Mendebaldeko Saharako baliabide naturalak esportatu ere, saharar herriaren onespenera gabe.

Epai hori nahitaez bete behar dute Europako eta Estatuko agintariek; horregatik, beren betebeharra da hori errespetatzea eta, gainera, herritarrei ezagutaraztea, behar bezala aplikatze aldera.

Halaber, NBEko Segurtasun Kontseiluak 2016ko apirilean onetsitako 2285 ebazpenaren arabera, irtenbide politiko bat lortzea eta Magrebeko estatuen arteko kooperazioa hobetzea lagungarriak izango dira eskualdeko egonkortasunerako eta segurtasunerako.

Aurretik egindako adierazpenetan gogoratu izanenez, Espainiak, 1976ko otsailaren 26an, alde egin zuen Mendebaldeko Saharako lurraldetik, bukatu gabe utzirik deskolonizatzeko prozesua, NBEren esparruan abiarazita zegoena; hortaz, Espainiako Estatuak erantzukizun historiko, juridiko eta morala dauka saharar herriarekiko. Ildo horretatik, otsailaren 27an bertan gogoratu dugu Saharako Errepublika Arabiar Demokratikoaren sorreraren 41. urteurrena.

Nabarmenezkoa da, pasa den 2017ko martxoak 3an, Eusko Legebiltzarreko osoko bilkuran adostu egin zen Europako Justizia Auzitegiak Mendebaldeko Saharari buruz emandako epaia betetzearen gaineko adierazpen instituzionala

Horiek horrela, Oiarzungo Udalbiltzarraren Osoko Bilkurak:

1. Dei egiten du Europar Batasuneko Justizia Auzitegiaren 2016ko abenduaren 21eko epaia errespetatu eta betetzera, zeinen arabera Marokoren eta Europar Batasunaren arteko asoziazio- eta liberalizazio-akordioak ez diren Mendebaldeko Saharako lurraldean aplikatzen.
2. Adierazten du kezkatuta dagoela Europako konpainiek Mendebaldeko Saharako baliabide naturalak ustiatzen dituztelako, zeren gai hori nazioarteko eta Europako zuzenbidearekin kontraesanean baitago; eta berriz ere gogora dakar legez kanpokoa dela saharar herriaren onspenera gabe Mendebaldeko Sahararekin egindako merkataritza-jarduera oro.
3. Dei egiten die Europako, Espainiako eta Euskadiko konpainiei nazioarteko eta Europako zuzenbideari jarraikiz jarduteko, Mendebaldeko Sahararen marokoar okupazioa iraunaraztea eta horko baliabide naturalen ustiaketa faboratu ditzaketen jarduerak utziz (esaterako, hainbat alorretako jarduerak: arrantza, nekazaritza, fosfato- eta hare-erazketa, edo energia berriztagarria), eta agintari guztiak bultzatzen ditu indarrean dagoen legeria ezartzera, Europar Batasuneko Justizia Auzitegiaren arestiko epaiari jarraikiz.
4. Bat egiten du munduko 83 estatuk RASD (República Árabe Saharaui Democrática) Saharar Herriaren zilegizko ordezkari gisa adierazten duen onarpenarekin.
5. Bat egiten du euskal gizartearen elkartasun korronteararekin, zeinak urteak daramatzen exijitzen irtenbide politiko bat, bidezkoa, iraunkorra, autodeterminazio-erreferendum baten bidez Mendebaldeko Saharako gatazkari bukaera emango diona.

Horiek horrela, Oiartzungo Udalbiltzarraren Osoko Bilkurak honako konpromezu hauek hartzen ditu:

1. Ekintza edota omisiorik ez egitera Saharar lurralde okupatueta egoera betikotzera eramango duenik; ezta marrokiar kolonizazioaren onarpena lagun zezan edozein ekimenik ere.

Saharar baliabide naturalen eta ondare historiko, artistiko, kultural, zientifikoaren hustiaketa, explotazio, eta suntsipena lagunduko duen ekintzarik ez burutzera.

Marokoko irudia normalizatzen lagunduko duen edozein ekintza ez burutzera; gatazka normalizatzen duen ekitaldirik ez egitea kolonizazio egoera normalizat hartuz; ezta Saharar Herriaren aurkako delituak, kolonialismoa eta okupazioa izkutatzen lagundu ere; era honetara saharar herriaren oinarritzko eskubideak alde batera utziz.

2. Konpromezua hartzen du:

Kontratu administratibo guztien eskarien baldintzen barne (edozein lan, zerbitzu publikoen kudeaketarako eta esparru hauean emandako hornikuntza eta deialdi publikoen bidez lorturiko diru laguntzak) aitortpena aurkeztera zuzenki edo ez zuzenki inplikaturik ez egotea ekintza edota omisioetan.

Lizitazioetan, aukeraketarako erabiltzen diren kriterioetan, aitortpena aurkeztera zuzenki edo ez zuzenki inplikaturik ez egotea ekintza edota omisioetan giza eskubideen edota nazioarteko zuzenbide humanitarioaren urraketa suposatuko duena; ezta ere ustiaketa, agorpena, explotazioa, mehatxua eta baliabide naturalen suntsipena (lurra eta ura barne) edota bestelako saharar herriaren ondarea.

3. Konpromezua hartzen du:

Hiritarrei eta hiriko enpresariei informazioa helaraztea eta ohartaraztea saharar lurralde okupatueta Marokiar erakunde eta kolonietan saltzea, erostea, inbertitzea edota erakundeekin kontratuak sinatzea nazioarteko zuzenbidearekiko aurkakoa dela.

4. Konpromezua hartzen du: Bai, Eusko Jaurlaritzari, baita Espainiar Estatuko Gobernuari beharrezko neurriak har ditzaten Marokiar Gobernuarekin harreman komertzialak eta erakundeen artekoak eten ditzaten. Izan ere, gobernu honek giza eskubideen urraketa masiboa eta baita ere Nazioarteko Zuzenbide Humanitarioaren urraketa etengabe burutzen du. Aldi berean, Armen Komertziorako Itunaren betearaztea eskatzen da, Estatu Espainola honen sinatzailea delarik.

Fundación Mundubat

NIF G95204160

Eneko Gerrikabeitia

Presidente

"el Watan" elkarte

NIF G20835898

Olga Leibar Mendarte

lehendakaria

